

समे .18:15 Hrs

Headlines ::

- संसद दे दौनें सदन दी कार्रवाई शोर-शराबे दे चलदे कल्लै तगर स्थगित।
- बन्ने पारा थवां प्रायोजित आतंकवाद गी बढ़ावा देआ'रदे मुखेँ खिलाफ कार्रवाई ते संयुक्त राष्ट्र सुरक्षा काउंसल दे धेड़यै मूजब पहलगाम आतंकी हमले दे कसूरवारें खलाफ कार्रवाई करने दी भारत नै संयुक्त राष्ट्र च मंग कीती।
- मुखमंत्री उमर अब्दुल्ला होरें लोकसेवा गारंटी कनून दी अमलावरी ते समें सिर सेवाएं दी पुज्ज ते जवाबदेई यकीनी बनाने लेई आखेआ।
- जम्मू-कश्मीर लेई इक बड्डी उपलब्धि दे तैहत साङ्गे त्रै तलवारबाज खडारी जर्मनी च होआ'रदे वर्ल्ड यूनिवर्सिटी गेम्स 2025 च हिस्सा लै करदे न।
- जम्मू खिते च भारी बरखा, रियासी च ल्हास पस्सियां पौने करी 2 लोकें दी मौत। मौसम विभाग नै अगले 48 घंटे च भारी बरखा दी पेशनगोई कीती ऐ।

<><><><><><>

Par. Adjourned

संसद दे दौनें सदन दी कार्रवाई अज्ज लगातार त्रीए ध्याड़े बी विपक्ष दे हंगामे करी बाधित होई। विपक्षी दल बिहार च मतदाता सूची दी खास गहन तौर पर नजरसानी ते होरनें मुद्दे पर चर्चा दी मंग करा रदे हे। लोकसभा ते राज्यसभा दी कार्रवाई अज्ज 2 बारी स्थगित होने मगरा अखीरै च

दिन भरै लेई स्थगित करी दिती गई। दुए स्थगन मगरा दपैहरी 2 बजे जियां गै लोकसभा दी कार्रवाई शुरू होई विपक्षी दल नारे लान लगी पे ते सदन दे बिच्च-बश्कार आई गए। इस्सै चाल्ली दा नजारा राज्यसभा च बी दिक्खने गी लब्बा। दपैहरी जियां गै स्थगन मगरा कार्रवाई शुरू होई ओहदे कन्नै गै विपक्षी दलें सदन च शोर-शराब शुरू करी दिता। शोर-शराबे गी दिखदे होई कार्रवाई गी दिन भरै लेई स्थगित करी दिता गेआ।

<><><><><><>

India-UN

संयुक्त राष्ट्र च भारत दे स्थाई प्रतिनिधि परवथानेनी हरीश होरें आखेआ ऐ जे बन्ने पार आहले आतंकवाद गी बढ़ावा देआ करदे मुल्लखें खलाफ गैहीं पुट्टियां जानियां लोडचदिआं न। जंदी 22 अप्रैल गी पहलगाम च होए दे आतंकवादी हमले दा जिक्र करदे होई उ'नें आखेआ जे भारत नै पाकिस्तान ते ओहदे गैर-कन्नूनी कब्जे आहले जम्मू-कश्मीर दे इलाकें च स्थित आतंकी ठिकानें गी निशाना बनाने लेई आपरेशन सिंदूर चलाया हा। उ'नें दस्सेआ जे एह अभियान पूरी चाल्ली केन्द्रित ते सीमित हा ते एहदे मगरा पाकिस्तान दी गुजारिश पर फौजी कार्रवाई गी रोकेआ गेआ हा। हरीश होरें आखेआ जे संयुक्त राष्ट्र सुरक्षा काउंसल दे धेइये मूजब, पहलगाम आतंकी हमले दे कसूरवारें खलाफ कार्रवाई कीती जानी लोडचदी ऐ।

<><><><><><>

CM-Meeting

मुख्यमंत्री उमर अब्दुल्ला होरें लोक सेवा गारंटी कन्नू दी अमलावरी मतल्लक इक जायजा बैठक लाई। एहदा मकसद नागरिकें तगर समेंसिर जवाबदेई कन्नै ते पारदर्शी ं'गै सिर जरूरी सेवां पजाना ऐ। उनें समें सिर सेवाएं दी दस्तेयाबी ते समस्याएं दा फौरी हल उपलब्ध करोआने पर जोर

पाया। मुख्यमंत्री हों नागरिक आधारित प्रशासन प्रति सरकार दी बचनबद्धता गी दोहराया। उन्हें अफसरों गी हिदायत कीती जे ओह मैहकमे दी नियमित तौर पर निगरानी करन।

<><><><><><>

Rana Water Supply

जलशक्ति, जंगलात, पर्यावरण ते जनजातीय मैहकमे दे मंत्री जावेद अहमद राणा हों अज्ज जम्मू खिते च पानी दी सप्लाई बारे जानकारी हासिल करने आस्तै ते पांचागत विकास दा जायजा लैने आस्तै बैठक दी अध्यक्षता कीती। इस बैठक दरान पानी दी सप्लाई सरबन्धी अभियानें बारे गल्लबात कीती गई ते लोकें गी पानी दी पर्याप्त ते टिकाउ संसाधन सुनिश्चित करने आस्तै हीले करने दा फैसला कीता गेआ। पानी सप्लाई प्रणाली दी कुशल प्रक्रिया उप्पर बी जोर भरदे होई मंत्री हों आखेआ जे लोकें गी समेंसिर साफ पानी पजाना बड़ा गै जरूरी ऐ।

<><><><><><>

National-Broadcasting Day

अज्ज मुख्य भरै च राष्ट्रीय प्रसारण दिवस मनाया जा करदा ऐ। 1927 च अज्जै दे गै दिन मुख्य च पैहला रेडियो प्रसारण इंडियन ब्रॉडकास्टिंग कंपनी दे बाम्बे स्टेशन थवां शुरू होआ। भारत दे विकास, शैक्षिक प्रसार ते सांस्कृतिक संरक्षण च प्रसारण दी महत्वै आहली भूमिका गी उजागर करने लेई एह दिन मनाया जंदा ऐ। एह दिनद मुख्य दी आजादी च प्रसारण दी भूमिका गी उजागर करने लेई बी मनाया जंदा ऐ। इस मौके पर प्रसार भारती दे चेयरमैन नवनीत कुमार सहगल हों अपने विचार सांझा करदे होई आखेआ।

<><><><><><>

JK-Fencing

जम्मू-कश्मीर लेई इक बड्डी उपलब्धि दे तैहत साढ़े त्रै तलवारबाजी खड्पारी - रामबन दे बसनीक सूफियान वहीद सोहेल, बिलावर थमां रिशिका खजूरिया ते जम्मू थमां श्रीया गुप्ता, जर्मनी च होआ करदी वर्ल्ड युनिवर्सिटी गेम्स 2025 च हिस्सा लै करदे न। जंदी 16 थमां 27 जुलाई तगर होआ करदी इ'नें खेड्पों दे बारै च आकाशवाणी समाचार कन्ने चेचे तौर पर गल्ल करदे होई जम्मू-कश्मीर तलवाबाजी संघ दे महासचिव जावेद चौधरी होरें मुकामी खड्पारिएं गी शुभकामनां दितिआं ते दस्सेआ जे 150 मुखें दे तकरीबन साड्पे 8 जहार खड्पारी इस प्रतियोगिता च हिस्सा लै करदे न। सूफियान बहीद सोहेल हुंदे पिता नै इस बारै अपने विचार सांझा करदे होई आखेआ।

उ'नें इब्बी दस्सेआ जे जम्मू-कश्मीर दे बसनीक विशाल थापर जंदी 22 जुलाई थमां जार्जिया च होआ करदी तलवारबाजी विश्व प्रतियोगिता 2025 च हिस्सा लै करदे न।

<><><><><><>

Army-CDR

सेना दी उत्तरी कमान प्रमुख लेफ्टिनेंट जनरल प्रतीक शर्मा होरें डोडा रामबन ते किश्तवाड़ दा दौरा लाया ते चला'रदे आतंकवाद रोधी अभियानें दा जायजा लैता। अपने दौरै दौरान उनें आपरेशन शिवा दा जायजा लैता ते क्षेत्रीय सुरक्षा गी यकीनी बनाने लेई तकनीक आधारित ते पैहले सोयां तैयार रौहने आहले रवैये गी अपनाने पर बल दिता ते एहदी महत्ता गी उजागर कीता। उत्तरी कमान प्रमुख होरें इनें इलाकें च तैनात बलें दी निष्ठा ते इयूटी प्रति समर्पण दी भावना दी सराहना कीती। बलें दी चौकसी करी गे खिते च शांति ते रमानदारी यकीनी हुंदी ऐ। उनें बलें गी

लगातार चौकसी बरतने ते चुनौतिएं कन्नै निब्बड़ने लेई आधुनिक रणनीतिएं गी अपनाने पर जोर पाया।

<><><><><><>

J&K Rains

जम्मू संभाग दे मते सारे हिस्सें च अज्ज बड़लै थमां बरखा बरा करदी ऐ। रियासी जिले दे माहौर इलाके हेठ औने आहले बडोरा गांs च जंदी रातीं तकरीबन 2 बजे ल्हास-पस्सियें दे लपेटे च औने करी 2 श्रमिकें दी मौत जिस्सलै के इक श्रमिक घाऽल होई गोआ। एह सब्भै इक तम्बुयै च सुते दे हे जिसलै ल्हास-पस्सियां इ'न्दे पर आई पेइयां। अज्ज जम्मू संभाग दे रियासी ते राजौरी जिलें च एहतियात दे तौर पर सभनें सरकारी ते निजी स्कूलें गी बंद रक्खेआ गेदा ऐ। इस बारे होर जानकारी दिंदे होई रियासी दी डी.सी निधि मलिक होरें आखेआ।

तोआई, राज्य आपदा प्रबंधन दी टीम यानि एस.डी.आर.एफ नै पुंछ दे पलस्त नदी दे कौलकश बक्ख-बक्ख थाहरें परा तकरीबन 50 लोकें गी बचाया कीजे पलस्त नदी च पानी दा स्तर बरखें करी बधी गोआ हा। एस.डी.आर.एफ दी टीम नै लोकें दी कुसै बी नदी-नाले कश नेई जाने आस्ते अपील कीती ऐ।

<><><><><><>

Weather-Update

मौसम विभाग नै जम्मू-कश्मीर च मौसम सरबंधी अगले 48एं घंटें लेई परामर्श जारी कीता ऐ। विभाग दा आखना ऐ जे अज्ज ते कल पुंछ, राजौरी, रामबन, रियासी, उधमपुर, जम्मू ते कठुआ जिलें च तेज बरखा पौने दे असार न ते लोकें गी कुसै बी नदी जा नाले दे कोल कश नेई जाने दी सलाह दिती गई ऐ। विभाग दा आखना ऐ जे कुसै बी आपातकाल स्थिति च फंसे दे लोक 112

नंबर डायल करी सकदे न। इस बारै होर जानकारी दिंदे होई मौसम विभाग दे डरैक्टर मुख्तयार अहमद होरें आखेआ।

तोआई, जम्मू-कश्मीर राश्ट्री जरनैली शिड़क उप्पर ट्रैफिक गी किश हद तगर बहाल करी दिता गेआ ऐ। एह शिड़क रामबन दे मगरकोट च बाढ़ ते लैस पस्सियां पौने करी बंद करी दिती गेई ऐ।

<><><><><><>